

তুমি এলেই...

সোমনাথ জয়ধর

বলছিলাম-তোমার কাছে আসলে
আমার হার্টবিট যায় বেড়ে,
তুমি বললে, "মজা পেলাম কথা শুনে,"
হাসিটি দিলে ছেড়ে।
সত্যিই হার্টবিট উঠছিল বেড়ে,
নার্ভাস হয়ে যাই গেলে তোমার কাছে,
এটা কি ভালোবাসা নাকি শুধুই মায়া-
তা তো জানা নেই আমার কাছে!
যখন তোমার ওই মিষ্টি হাসি দেখি,
আমার বুকের ভেতরটাতে,
মনে হয় যেন এক মাতাল ঝড়
বয়ে যাচ্ছে শুধু তোমাতেই।
তোমার ওই চায়ের কাপের
আলতো চুমুকে মুগ্ধ হই আমি,
আহ! যদি পারতাম
ওই চায়ের কাপটা হতে প্রতিদিন নিয়মিত অনুরাগে!